



Эренлардин сес

12+

РД-дин Докъузпара райондин общественно-политический газет.
Общественно-политическая газета Докузпаринского района РД.

№27 (1113), 5-ИЮЛЬ, АРБЕ. 2023-ЙИС.

Газетдин са экз. кымет киоскрай - 20 манат

Наркотикрин аксина кардик квай комиссидин заседание

И мукъвара Докъузпара райондин администрацияда райондин Кбилин везифаяр вахтуналди тамамарзавай Салигъ Гъажимурадован регъбервилик кваз наркотикрин аксина кардик квай комиссидин заседание кыле фена. Адан карда райондин идарайрин ва тешкилатрин руководителри, хуърерин администрацийрин кыилери ва наркотикрин аксина кардик квай комиссидин членри иштиракна.

Райондин образованидин тешкилатра психологрин къуллугъри тухузвай кваллахдин гьалдикай, яш тамам тахъанвайбурун низамдал къабил тушир къуьруькрикай, комплексный программада къалурнавай тегъерда гъар садахъ галаз кылдин кваллах тухунин серенжемрин важиблубликай райондин образованидин управленидин начальникдин заместитель Ренат Агъаметова ва ОСМП и Т-дин начальникдин заместитель Агъашериш Агъаширинова рахунар авуна. Аялар ва ругулар дуьз низамдин бинедалаз чурур ийиз тахъунин се-

беб абур чехи жезвай хизанра диде-бубайрин рафтарвилдин дуьз алакъяар тахъун, аксивилин авсият хъун я. - Ахътинбурун арада чехи жезвай аялрин психологидиз, гьелбетда, члуру таъсир жезва. ИкI, ятлани ахътин аялрин къатарихъ галаз мектебра педагогри кылдин кваллах тухузва. Инспекцидин учетда авайбурун члуру крар авур дуьшуьшар гъеле авач, - къейдна Р. Агъаметова.



А. Агъаширинова къейдна хьи, ОСМП и Т-ди датлана жегъилрин ва яш тамам туширбурун арада наркотикрин ва ички ишлемишзавайбурун аксина гуьруьшмиш хъунар ва суьгъбетар тешкилзава, жегъилриз члуру ва хаталу таъсирдин чилина гъат тавунин рекъяй кыметлу месэляар гузва.

Низамдал къабил

тушир аялар чехи жезвай хизанрихъ галаз авай алакъядикай опекадин ва попечительстводин отделдин начальник Бесир Гъажимурадова суьгъбетна. Адан гафаралди, чи муниципалитетдин сергъятра гъеле яшайишдин хаталу гьалара авай хизанар авач. Психотропный затлар ишлемишзавай яш тамам тушир аяларни, адан гафаралди, авач. Россиядин МВД-дин «Ахътинский» МО-дин даныйралдини, Докъузпарадин территориядай «наркоманиядин» рекъяй начагъ яз учетда акъвазнавай кас авач.

Шагъбала Шагъбалаев



экономикадин отделдин начальникдин везифаяр тамамарзавай Шамиль Эмирчубанова хабар гана. Алай кварталдиз чилин налог ацлурунин план 100 процентдинди, эменнидай - 86,2 процентдинди хъана.

Чилерин участокар актуализация авунай, учетда авай 323-дакай 84 тамамарнава, и рекъемди 26 процент тешкилзава. Райондин администрацидин Кбилин заместитель Сурея Исмаиловади суьгъбетна хьи, хуърерин администрацийрин ва образованидин идарайрин сайтар вири «Госвеб» платформадал элячIнава. Ада гъакIда образованидин идараяр зу-

лунни хъуьтлуьн сезондиз гъазур жезвай гьаларикай хабар гана. 2023-2024-йисарин арадиз талукъ къарар арадал гъанва. А вахтуниз талукъ яз мектебрин директорри арзаяр (заявкаяр) гун чарасуз я. Мукъвал вахтара къазанханаар ахтармишун патал мектебриз комиссия рекъе твада.

Совещанидин эхирдай йикъан месэладилай гъейри, жуьреба-жуьре маса месэляарни веревирдна. Са жерге тешкилатрин руководителри вахтунин арада аваз (промежуточный) докладар ва гъахъ-гъисабарни авуна.

ЧИ МУХБИР

Контрактдин къуллугъдиз фин патал гражданриз рабочий дестеди табигъа (агитация) авуна

И мукъвара Докъузпара района, райондин Кбилин везифаяр вахтуналди тамамарзавай Салигъ Гъажимурадован регъбервилик кваз контрактдин бинедаллаз къуллугъ кыле тухунин месэладиз талукъ рабочий дестедин заседание кыле фена.

Заседанидин кваллахдин сергъятра муниципалитетдин жемиятдин хатасузвилляй Кбилин заместитель Марат Крымова районагражданаар ва къуллугъ акъалтларна хтанвай ксар РФ-дин Яракълу къува-трин жергейриз къабулу-

нин рекъяй контрактдин бинедаллаз авай шартларин гъакъиндай табигъа гъаз экъечIна рахана. Хуърерин кыилеринИ и жигъетдай тухузвай серенжемикай суьгъбетна.

Докладар авурбурун рахунрихъ яб акалай-

Райондин активдин совещание кыле фена

26-июндиз Докъузпара райондин администрацияда муниципалитетдин Кбилин везифаяр вахтуналди тамамарзавай С. Я. Гъажимурадован регъбервилик кваз райондин активдин совещание хъана. Анал важиблу мес-

эляар гъална. Совещанидин кваллахда райондин Кбилин заместителри, райондин идарайрин ва тешкилатрин руководителри иштиракна. Алай йисан къвед лагъай кварталдиз налогар кватлуни рекъяй

планар ацлурунин нетижайрикай муниципалитетдин сергъятра РФ-дин госпрограммадин «Национальная система пространственных данных» мярекатрин серенжемар хиритI жезвай гьаларикай райадминистрацидин



далай гуьгъуьниз, хуьрерин администрацийрин кылериз ва заседанидин вири членриз гражданар РФ-дин Яракьлу кьуватриз желб авунин рекьяй таблигъадин ва гъавурдик кутунин жигъетдай квалах тухун теклифна.

ЧИ МУХБИР

Санитарно-азарар хклуни рекьяй кардик квай комиссидин заседание

И мукъвара Докъузпара района муниципалитетдин Къилин везифаяр вахтуналди тамамарзавай Салигъ Гъажимурадован регъбервилек кваз санитарно-противоэпидемический комиссидин заседание кыле фена. Заседанидин сергъятра РВУ-дин начальник Азизагъа Исмиханова бруцеллездин аксина чи райондин сергъятра ири ва куьлуь карч алай гъайванриз рапар ягъунин рекьяй тешкилнавай серенжемрин квалахдикай суьгъбетна.



мар къабулун, СПК-дин заседанийрал авай месэладиз килигун, азардин аксина алава серенжемар къабулун, гъайванрикай гъасил жезвай яклун ва маса продуктриз, маса гунин рекьяй ихтиярар тагуниз бруцеллездик начагъ хъанвай гъайванар тергавуниз, цийи очагар арадал татуниз эвер ганвай. Гъайванар са чкадай масаниз акъудунин кардални гуьзчивал эцигнавай.

Райондин ветеринарный къуллугъдин (управленидин) работникри хуьрерин кылериз гъайванриз рапар ягъунин рекьяй талукъ тир теклифар ганва, чарар ракъурнава. Къейд авун лазим я, бруцеллездай гъелелиг района эпизоотический гъалар къайдадик ква. Бруцеллездин мукар малум хъанвай дуьшуьшар авач.

ЧИ МУХБИР

Бруцеллез азардик начагъ хъайи инсанрин месэладиз талукъ яз, Махачкъала шегъерда 12-июндиз тади гъалдин совещание тешкилнавай. Адан карда райондин ва шегъеррин руководителри

иштиракна. Анал къейдна, Дагъустанда алатай йисус бруцулездик 179 кас начагъ хъанвай, алай йисан вад вацран вахтунда -75 кас. Идахъ галаз алакьалу яз, РД-да бруцеллездин аксина чарасуз серенже-

«Солнышко» твар алай аялрин бахчада вердишвилерин чирвилер кыле тухвана

27-июндиз Мискискарин хуьре кардик квай «Солнышко» твар алай аялрин бахчада ГОЧС-дин ва ЕДДС-дин крарай Управленидин кьуватралди ва такьатралди, райондин АТК-дин Комплексный пландин истемисунрин бинедаллаз, Усугъчай хуьруьн 37-ПЧ-унин ва ЦРБ-дин къаришмишвал аваз «Залзалаяр хъайи ва цаяр къур дуьшуьшра образованидин идарадин аялрин ва персоналдин гъерекатар» темадай практикада виже къведай вердишвилер кыле тухвана.

Кыле тухвай чирвилерин нубатда кьетли гъалар арадал атайла, абур арадай акъудун патал гъялна кланзавай месэлайрин ва шартларин судураар, персоналдин гъазурлухвал ахтармишун тир. Мадни мярекатдин важиблувал бедбахт дуьшуьшар арадал атайла, саламатдиз аялар кьецел акъудун, тлимил бедбахтвилер арадал гъидай тегъерар чирун, огнетушителир ишлеми-



шиз алакьун, сифтегъан куьмек агакъарун ва ма-

сабур фикирда къунвай. Практикадин серенжемар

кыле тухвайдалай гуьгъуьниз Докъузпара райондин ГОЧС-дин ва ЕДДС-дин крарай Управленидин начальник Акбер Садирова винидихъ къейднавай идарадин работникар ва аялар патал кьетли

гъаларин дуьшуьшриз ва гъерекатриз талукъ яз инструкторгаж тухвана, аялрин бахчадин персоналдиз чеб дуьз тухунин къайдайрал амалдай памяткаяр (риклет хуьдай чарар) пайна.

Шагъбала Шагъбалаев

Бажарагълу шаир а журналист (Мердали Жалилован 80 йисан юбилейдиз талукъ яз)

Лезгийрин бажарагълу шаир, публицист ва журналист Мердали Жалилов (Мерд Али) 1943-йисуз фронтвик Абдулазизан хизанда Докъузпара райондин Миграгърин хуьре дидедиз хъана.

1962-йисуз хайи хуьруьн юкъван школа, 1970-йисуз Яру дипломдалди ДГУ-дин филологиядин факультет акъалтарна. 1962-1965-йисара СССР-дин армиядин сергъятар хуьдай частара къуллугъна. Гзаф йисара мектебда муаллимвиле, Дагъустандин педагогикадин институтда илимдин къуллугъчивилеквалахна. 1985-йисалай ада «Лезги газетдин» литературадин отделдин редакторвиле зегъмет члугъвазва. Газетдин редакцияда квалахиз ам Россиядин Федерациядин журналистрин (1989-й), Россиядин Федерациядин писателрин Союзриз (2002-й) къабулна. 1993-йисуз адаз Дагъустандин Верховный Советдин Президиумдин Указдалди «Дагъустан Республикадин культурадин лайхлу работник», 2004-йисузни РФ-дин Президентдин Указдалди «Россиядин Федерациядин культурадин лайихлу работник» лагъай гуььрметдин тварар гана.

Мердали Жалилов Дагъустандин Журналистрин Союздин «Къизилдин перо», «Къизилдин лекъ», Гъажибег Гъажибегован тварунихъ галай премийрин лауреат я. Махачкъалада яшамиш жезва. Мердали Жалилов лезги шииратдиз алатай асирдин 70-йисара атана. А члавуз чи милли поэзияда «цийи несилдин» са къифле шаирри: Ализ Саидова, Ибрагъим Гъусейнова, Байрам Салимова, Забит Ризванова, Жамидин Гъажимурадова, Кичибег Мусаева, Азиз Алема, Дагълар Абдуллаева, Лезги Нямета ва масабур лап бегъерлуздаказ квалахзавай. Абур чи шииратда фадлай

дерин чъварах янавай риторикадинни дидактикадин, тарифринни эвер гунрин адетрикай къекъечна, лезги поэзия философиядинни гражданвилин, гъакъикъатдиз критикадин рекъелди анализ гунин, тебиатда ва общества инсанди къазвай чка ва адан жавабдарвал тайинарунин, марифатдинни къанажгъдин, ахлакъдин ва маса месэлайрал элячна. Чи эдебиятдиз цийи кьуватар, цийи нефес атайди а



члаван клелдайбуру ва критикади гъисенай. 1970-йисуз Дагъустандин ктабрин издательствода «Чешме» твар алаз лезги жегъил шаиррин яратмишунрикай ибарат ктаб чапдай акъатна. Ктабдин составитель, шаир Ибрагъим Гъусейнова Мердали Жалилован эсеррикай икк лагъанай: «Адан шиирриз еке тежриба авай шаирдин мукъуф, гафунин кьимет чир хьун хас я». Алатай асирдин 80-йисар Мердалидин яратмишунар бегъерлуздаказ яртмиш хъайи йисар яз гъисабиз жеда. «Къацу къашар», «Фу», «Рекъе», «Чимчирдин мани» шииррин кватлалар чапдай акъатна.

Гуьгъуьнин йисарани ериш, яратмишунрин гъевес шаирди агъузарначир. «Машмаш тарак»,

«Билбил базардал» ва маса ктабарни клелдайбурув агакбарна. Санлай кьачурла, шаир ва журналист Мердали Жалилова чав шииратдин, гьам публицистикадин хъсан савкьатар агакбарзава. Адан хци кълем датлана кардик ква. Чна, чи районэгьлидиз уь-

муьрдин лишанлу сувар – 80 йисан юбилей риклин сидкьидай мубаракзава. Квехъ чандин сагъламвал, яратмишунрин рекъе члехи яшдизни килиг тавуна, жегъил илгъам хъана кланзава! Иншаллагъ, Куьнени чи алхиш кьабулзава жеди?!
Мердали Жалилов

Мердали Жалилов

-Эхъ, кланда заз и дуьньяда
Парани ваъ, кьадар жуван.
Гадариз ваъ, гьар члавуниз
Герекзавай мадар жуван.
Вили цавни, чими рагъни,
Марфни, живни, цифни кланда.
Вили лифни, члулав члагъни
Пакам яр хъиз, йифни кланда.
Вацни, селни, кьубуд хелни,
Тамни, чуьлни рагар яру.
Шуьрбетар хъиз укьлуь кълени,
Шафранарни патар яру...
Вири кланда – кьадар кланда
Дуьньяд вири тгеамрикай.

Гадариз ваъ, мадар кланда,
Пай тежервал гьарамрикай.
Гьарам я, вахъ аваз, кьунши
Тунватла вал вилер алаз.
Гьарам я, вун ятла вагъши,
Хатур клани эллер аваз.
Эхъ, гьарам я, кьанихвили
Квадарна кьил, тарашайди.
Рикл бархуниз дарихвили,
На нез, масад тамашайди.
Халкъ авурда вирибуруз
И дуьньядал вири ганва.
Анжах руьгьдиз кьерибуруз
Уьмуьр тлимил куьруь ганва...

1999-йис.

Наркоманвал

Наркотикрилай аслувал-им психикадин гьалар кьайдадикай хкатнавай яргьалди члугур азардин жуьре я. Гьар йисуз абурун таъсирдик акатнавайбурун жергейрай 70 000 кас Россияда телеф жезва. Ида лугъузва хьи, наркомания неинки са зиянкар хесет я, ваъ, ам-дуьньядин сергьятрин месэла яз инсаниятдин вилик акъвазнава. Наркотикрилай аслу рекъяй авай куьмекдин са жуьре - пешекар наркологривай чара тлалаб авун я.

Вун наркотикрилай аслу тирдигьиклгъавурдагъатда?

Наркоти к р и л а й аслу хьунин кьилин лишан-им алудиз тежедай патологидин кьармахда гьатун я. Наркомандин вири уьмуьрдин гьерекат нубатдин дозадан гуьгъуьна хьун я. Ахпа доза члехи жезва: организмди ам хесетда кьазва, ахпа гуьгъуьна гьатзава. Доза члехи жезва: организмди ам хесетда кьазва, гуьгъулар кьумбар хьунин гьисс вини кларцилиз, аршдиз акъатзава. Вун наркоман тирвилигъавурда гьикл гьатда?

Бедендин рекъяй аслувал «Ломка»-им наркотикрин кефливилигъерекат куьтягъ хьун я. Ам акьалтлайла, бедендин тлалар хци жезва, бязи чкайрал таб акьалтзава, бедендин тлалар хци жезва, сивел экъуьчун кьезва, ахвар ва тлуьнин иштягъ квахъзава. И тла-

лар, гуьгъуьлдин дарвилер арадай акъудун патал нубатдин доза истемиззава. И илаждай адавай текдиз экъечлиз жедач. Наркотикрик акатун патал сад-кьве доза бес жезва. Ахпа ам галачиз наркоман депрессийра гьатзава, ада ви-чи-вич тергдай чкадални гьун дуьшуьшдин кар туш. Психологидилай аслувал гзаф муракаб шартл я. Адаз дериндай кар алакьдай пешекарар герек я. Кваллин шартлара наркотикрилай аслувал алудиз хьун мумкин туш. Пешекарри гьисабзавайвал, азар кланик кутун патал кьве вариант ава: психологдал экъечлун ва са тайин шегьерда анонимный кьайдада сагъарун. Кьвед лагъай дуьшуьшда коллективдин куьмекни акал жезва. Анонимный наркоманрин десте собранидин кватлалдинди я. Ина авай инсанри чпин уьмуьрдин чешнедин



мисалралди члугур кьван азиятар, мазлумвилер, баят руьгьдин гьалар рикел хкизва, абурун арада дерт паюнин, наркотикрихъ галаз алакъа хуьн тахьунин, абур негъ авунин меслятар

мягъкем жезва. Ана «12 камунин терапия» кардик ква. Амма кьилинди, инсандихъ кьаст, мурад хьун я. Нетигада, ахпа адавай вич кьилдини сагъариз жеда. Мукьва-кьилийрин куьмекдални сагъарунин курс кьиле тухуз жеда. Наркотикрилай аслуville гьатнавайда вичи гьакъван фад вичин сагъламвилигъайгъу члугуртла, нетижаяр хъсанбур жеда. Инсанрин сиве мах гьатнава, абур лугъузва хьи, бес наркоманар «виликанбур»,

«хъайибур» жедайди туш. Амма гьакъикъат акл туш, кьенин йикъан медицинадихъ сагъарунин рекъяй вири жуьредин кьулайвилер, ресурсар ава. А методикаяр ерилубур ва куьмек гузвайбур тирдал, шак алач. Гьавилай наркотикрин аслувилигъа таъсирдик акатнавайбуруз эвер гузва: реабилитацидин курсуниз кам кьачу! Амай азарар хъиз, наркоманвални сагъариз жедайбурун сиягъда ава.

Шагъбала Шагъбалаев

Кавказ азад авунин женгер

Ватандин Члехи дяведин йисара (1941-1945) кьиле фейи ва тарихда дерин гел тунвай вакъайрикайни сад Кавказ хуьн ва азад авун патал 1942-1943-йисара кьиле фейи женгер лап зурбабурук, важиблугурук акатзава.



Гитлеран кьушунри 1942-йисан гатуз Кавказ кьун патал члехи гьужум тешкилна. Абурун жергейра Румыниядин, Чехословакиядин, Италиядин армиярни авай. Дондин, Армавирдинни Майкопдин операцияр твар алай женгера душмандин хура Яру армиядин кьушунривай акъвазиз хъанач. 1942-йисан 23-июлдиз Дондал алай Ростов муьтлуьгъарай душманди Кубандал гьужумна. Чибуру кьулухъ члугуна ва фашистри, са артух четинвал авачиз, Кубандин гегъенш чуьллерай виликди еримишна. Сад-садан гуьгъуьналлаз Ставрополь, Армавир, Майкоп, Краснодар, Элиста, Моздок кьуна. Эльбрус дагъларин куклушдал немсери чпин пайдах аклуна. Анжах 1942-йисан сентябрдин эхирра, Малгобек райондин мулкара, дагълара фашистригъужумдин вилик под кьуна, душман-

диз мад виликди гьерекадай мумкинвал хганач. И вахтунда Германияди Сталинград кьун патални еке кьуватар желбнавай. Ватан хуьн патал Кеферпатан Кавказдин вири республикайрин, областрин, крайрин халкъар кьарагъна.

Агъзурралди итимар, дишегълияр, жегъилар гуьгъуьллувилелди фронтдиз фена. Душмандихъ галаз дагълара гьвечли женгер тухудай отрядар, ротаяр тешкилна. Абур фашистриз я юкьуз, я йифиз ял ядай мукинвал вугузвачир. Летчикрини датлана фрицар алай, клеви хъанвай чкайрикай хабар гузвай ва чи кьегъалри абур хабарсуз кьирмишзавай. Ятлани Германияди Кавказдин мулкариз цийи-цийи алава дивизияр рекъе твазвай. Абурун куьмекни галаз 1942-йисан 25-сентябрдиз генерал Ланцан командованидик кваз немсери нубатдин гьу-

жум башламишна. Абурун мурад Туапсе шегъер кьун тир. Кьве патайни гзаф телефвилер хъана. 4-октябрдиз Верховный Ставкади Черноморский группадин кьушунриз акси гьужум кьиле тухунин тапшуругъ гана. 9-октябрдиз чи кьушунри немсери вири терефрихъай ийизвай гьужумар акъвазарна. 14-октябрдиз фашистри виликди фин патал алахъунар авуна. 25-октябрдиз абур Нальчик галай патахъди гьерекатна. Зайиф хъанвай чи 37-армиядин сенгеррай пад акъудна, душманди Начальник ва ахпа Гизель шегъерар кьуна.

Мад фашистривай чпин алчах мурадар кьилиз акъудиз хъанач. Ноябрьдин сифте кьилерай Яру армияди Гизель азадна ва Германиядин кьушунриз Грозныйдин, Бакудин нафтладин мяденрихъ фидай рехъ гьамишалуьгъ агална. Советрин

кьушунрив Москвадай агакнавай тапшуругъ сад тир: вири кьуватар санал кватна, вири мумкинувилерикай менфят кьачуна, душмандин сенгерал гьужум авун ва Моздокдинни Алагирдин патарив фрицрин армияр барбатун. Гьа идалди Кавказ патал кьиле феи женгерин сад лагьай пай акьалтна. Немсерин «Эдельвейс» план кьилиз акьатнач. Абурувай Закавказьедиз, гьакл Мукьвал тир Рагьэкьечдаи патан уьлквейризни гьахьиз хьанач. Туркиядинни немсерин терефдал элячдаи жуьретнач.

Женгера немсерин 100 агьзурдалай гзаф аскерар телеф хьана. Кавказ патал кьиле феи дяеда Яру аскерри кьалурай кьегьалвилери чи Кьиблепатан сергьатар мадни мягькемардай мумкинвал арадал гьана. Кьизгьин ва гзаф телефвилер арадал гьайи женгера кьалурай кьегьалвилерай агьзурралди аскерар, офицерар, партизанар, далу пата зегьмет члугур агьалияр орденралди, медалралди кьейдна. СССР-дин Верховный Советдин Президиумдин Указдалди «Кавказ оборона авунай» медаль тайинарна. Адаз гзаф кьадар женгичяр ва зегьметчяр лайихлу хьана. 1942-йисан гаталай 1943-йисан зулалди Советрин кьушунрин

Германидин армияриз кьур ягьунри Ватандин Чехи дяедин кар алай женгера – Сталинград ва Кавказ патал кьиле феи зурба гьалибвилер кьазанмишдаи, фашистрин еке кьуватар тергдаи мумкинвал гана.

Ада Яру Армиядин аскеринни офицеррин руьгь хкажна, абур мадни уьтквемвилелди женгер члугунал руьгьламишна. Кеферпатан Кавказда, Дагьустандин варарив кьиле феи иви экьичдай ягьунра, хайи чилин гьар са чиб патал советрин халкьарин жуьреба-жуьре миллети иштиракна. Абурун жергеяра Докьузпара райондин Кьурушрин хуьруьн кьегьаларни авай. Хайи чил ва уьлкве паталди, Кеферпатан кавказ паталди хьайи кьизгьин ягьунра Агьмедов Кьагьримана, Гьажибалаев Шагьбалади, Мирзоев Малика, Кьагьриманов Гьажиди, Хидиров Эллезиди чпин жегьил чанар кьурбандна. Алхасов Шагьназара, Гьамзаев Агьмедризади Чехословакия, Венгрия, Австрия азад хьитидай женгерани иштиракна. 1943-йисан февралдиз советрин аскерри Сальск, Ростов ва вири Ростовдин область, Украинадин чилер душмандикай тамамвилелди азад хьувунай.

Шагьбала Шагьбалаев

УКАЗ ГЛАВЫ РЕСПУБЛИКИ ДАГЕСТАН

О Дне ветеранов труда Республики Дагестан

В целях признания трудовых заслуг ветеранов труда и их вклада в развитие Республики Дагестан

п о с т а н о в л я ю:

1. Установить республиканский праздник – День ветеранов труда Республики Дагестан и отмечать его ежегодно 2 мая.

2. Настоящий Указ вступает в силу со дня его подписания.

Глава
Республики Дагестан
С. Меликов

«ГОЛОС ЭРЕНЛАРА»
2001-йисан
ноябрдилай акьатзава

Тешкилайди:
Докьузпа райодин
администрация, Дагьустан
Республика

Учредитель:
Администрация
Докузпаринского района,
Республика Дагестан

Кьилин редактор:
В. С. АГЪАМУРАДОВ
Хуси корреспондентар:
Ц.Н. ШАГЪАМИРОВА
Ш.О. ШАГЪБАЛАЕВ
Корректор: **Ш.О. ШАГЪБАЛАЕВ**
азетдин индексар:
Н.Н. БЕЙТУЕВ
Зур йисан кьимет - 345 м.
Йисан кьимет - 690 м.

Редакциядинни макьалайрин авторрин фикирар сад тахьун мумкин я Макьалайрин делирин дуьзвилил патахьай жаваб авторри чпи гуда. Макьалайриз рецензия гузвач ва абур элкьвена вахузвач. М адни, чпин макьалайра дегишвилер тунал, кьилер дегишарунал рази тушир мухбиривай чна абур редакциядиз ракьур тавун т1алабава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан.

Регистрационный номер ПИ №ТУ5 - 00256 от 14 июня 2013 г. Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Редакциядин, издательстводин ва типографиядин адрес:
368750, Докьузпара район, Усугьчай хуьр,
тел.+ 7 (8722) 55-14-61 e-mail: golos-erenlara@mail.ru
Чи сайт: www.erenlar.ru

Газета «Эренлардин сес» сверстана и отпечатана в ООО «Типография-М» по адресу: г.Дербент, ул.С.Курбанова, 25.
Чапдиз вахкай вахт: 13:00
Чапзавай вахт - 14:30
Тираж 480

Пауэрлифтингдай кьизилдин медалдиз лайихлу хьана

Алатай гьафтеда Махачкьалада пауэрлифтингдай кьиле феи Кеферпатан Кавказдин чемпионатда Кьурушрин хуьрай тир Мейлан Баширова (75 килограмдин заланвилей) 17-19 йисара авай жегьилрин арада кьизилдин медаль кьазанмишна. Идалайни гьейри, ам пауэрлифтингдай Россиядин спортдин мастервилин тварцизни лайихлу хьана.



М. Баширова Россиядин пуд рекорд (жим лежа -120 кг, становая тяга - 240 кг, (вири санал-545 килограм хкажна) эцигна. Гила ада декабрдиз Москвада кьиле фидай дуьньядин чемпионатдиз гьазурвал аквада. Мейлан Баширова тренер Фейруз Кьулиеван гьилик вичин устадвал хкажзава.

ЧИ МУХБИР

Кто может служить по контракту

Военная служба может осуществляться по контракту с Министерством обороны РФ. Заключить контракт могут призывники, военнослужащие запаса, женщины, иностранные граждане.

Порядок отбора кандидатов осуществляется по закону № 53-ФЗ и Положению о порядке прохождения военной службы (утв. Указом президента РФ от 16 сентября 1999 г. № 1237).


Перечень лиц, которые могут претендовать на заключение контракта с МО РФ:

- военнослужащие, у которых заканчивается предыдущий контракт;
- призывники, отслужившие не менее 3 месяцев;
- призывники, имеющие высшее образование, без ограничения по сроку службы;
- призывники, прошедшие специальное про-

фобразование, без ограничения по сроку службы;

- военнослужащие запаса;
- мужчины, имеющие высшее или среднее профессиональное образование, не зачисленные в запас;
- женщины, не зачисленные в запас;
- иные категории лиц.

Учитываются и возрастные ограничения. Первый контракт можно заключить в период с 18 до 40 лет (для иностранцев — от 18 до 30 лет). Предельный возраст пребывания на службе отличается для мужчин и женщин, а также по званию военнослужащего. Например, женщина может служить по контракту только до 45 лет, а мужчины в звании ниже полковника — до 50 лет.



Перечень редакций муниципальных периодических печатных изданий, которые обязаны предоставить печатную площадь для проведения предвыборной агитации для муниципальных выборов в Докузпаринском районе Республики Дагестан назначенных на единый день голосования 10 сентября 2023 года.

№ п/п	Наименование периодического печатного издания	Территория его распространения в соответствии со свидетельством о регистрации средства массовой информации	Регистрационный номер свидетельства о регистрации средства массовой информации	Дата выдачи свидетельства о регистрации средства массовой информации	Юридический адрес редакции периодического печатного издания	Учредитель (учредители) периодического печатного издания, редакции печатного издания	Доля (вклад) муниципальных образований в уставном (складочном) капитале	Вид выделенных бюджетных ассигнований из местного бюджета на их функционирование	Объем выделенных бюджетных ассигнований из местного бюджета на их функционирование	Периодичность выпуска периодического печатного издания	Указание на то, что периодическое печатное издание является специализированным
19	Эренлардин сес	Республика Дагестан	ПИ № ТУ 5 - 00256	14.06.2013	368750, Дагестан Респ., Докузпаринский район, с. Усугьчай	Администрация Докузпаринского района, Республика Дагестан	100%			1 раз в неделю	специализированное